



# Botho ba Maḡodzi

Tshedza Tlhako

Busisiwe Ndlovu





Ho ne ho ena le ngwanana ya bitswang Maṭodzi.  
Maṭodzi o ne a dula motseng le mmae le  
nkgonae.



Ka tsatsi le leng, mmae a mo roma ho isa molaetsa ho rakgadiae ya neng a dula motseng o mong.

“Latela tsela yeo re e sebedisang ka nako tsohle,” ke mmae yeo a mohopotsa.



Maṭodzi a latela tsela yeo a e tIwaetseng ho ya ha rakgadiāe ho isa molaetsa.

Ha a le tseleng a kgutlela hāe, a utIwa lentswe le fokolang haufi le yena le reng, "A ko nthuse hle."



Maṭodzi a thalatsa, a bona mosadi ya robetseng ka thoko ho tsela.

A dumedisa mosadi yeo mme a mmotsa, “Ke hobaneng ha o robetse moo?”



“Ke a fokola, ke a kula, hape ke hole le lehae la ka,” ho araba mosadi.

Maḡodzi a utlwela mosadi yeo bohloko.



A re ho mosadi, “Ke tla ho isa heso hobane ho haufinyana.”

Maḡodzi a thusa mosadi ho ema. Ba tsamaya butle ho fihlela ba fihla hae.





Maḡodzi le mmae le nkgonae ba hlokomela mosadi yeo ho fihlela a eba betere.





Mosadi a ba leboha haholo ka tlhokomelo yeo ba mo neileng yona.

A thoholetsa Maḡodzi ka botho ba hae le sebete seo a nang le sona.



Mosadi a re ho Maṭodzi le ba lelapa la hae, "Ha nkake ka lebala molemo oo le nketseditseng ona.

Ka mora matsatsi a mararo, ke batla hore le etse ditabatabelo tse pedi."



Ka mora matsatsi a mararo, Maṭodzi, mmae le nkgonae ba etsa ditabatabelo tse pedi.

Tabatabelo ya pele e ne e le ho ba le ntlo e ntle.



Tabatabelo ya bobedi ya eba hore ntlo ya bona e be haufi le moru hore ba seke ba sokola ho rwalla patsi.

Ditabatabelo tsa bona tsa phethahala jwalo feela ka ha mosadi a ne a ba bolelletse.



Maṭodzi le ba lelapa labo ba phela ha monate ntlong ya bona e ntle e haufi le moru.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Botho ba Maṭodzi

Author/s: Tshedza Tlhako

Translator/s: Nthabiseng Tsatsi

Illustrator/s: Busisiwe Ndlovu


Assurer/s: Mathapelo Morake

Language: Sesotho (South Africa)



© Zenex Foundation - Saide 2023

CC BY includes the following elements:

BY  - Credit must be given to the creator

